

四庫全書

子部

欽定四庫全書

六藝之一錄卷三百六十四

錢唐倪濤撰

歷朝書譜

明

王直

王直字行儉

號抑菴

秦和人永樂二年進士正統中吏

部尚書與王文安公英齊名時稱二王贈太師謚文

端

列卿紀

王直善行楷結構老成筆法精妙

書史會要

王英

王英字時彥

號泉坡

金谿人永樂二年進士庶吉士入

翰林正統中為南京禮部尚書謚文安文章典瞻尤

善草書

吾學編

王泉坡奉秉彛札行書 王時彥幽棲詩帖行書

見式

古堂書

畫彙考

魏驥

魏驥字仲房蕭山人永樂乙酉舉人正統中為南京

吏部尚書致仕歸篇章之富山刊板刻幾徧天下謚

文靖

列卿紀

魏負書名雖圓健而不免俗

書史會要

金問

金問字公疏吳縣人永樂二年被薦為司經局正字

正統中為南京禮部侍郎文章雅健善書得魏晉人

筆法

列卿紀

錢習禮

錢習禮名幹以字行吉水人永樂七年進士入翰林

為庶吉士正統中為禮部右侍郎謚文肅

列卿紀

習禮善行草

書史會要

張益

張益字士謙吳縣人永樂乙未進士選庶吉士改中

書舍人正統中為侍講學士謚文僖文章雅健有法

楷書亦工

列卿紀

張士謙義訓堂記帖楷書

式古堂書
畫彙考

高穀

高穀字世用興化人永樂乙未進士改庶吉士授中書舍人正統中為工部尚書謹身殿大學士謚文毅

列卿
紀

穀書文弱秀潤可愛而不甚著

書史
會要

穀常奉命入寺寫經雨歸而跣人曰病矣穀曰病直

穀耳若閣老言上不寫佛經不病甚矣

吾學
編

張楷

張楷字式之慈谿人登永樂甲辰進士第正統中為右僉都御史為文有古法善行草篆隸尤耽於詩未

嘗一日廢吟咏

呂原文
懿公集

程南雲

程南雲字清軒南城人永樂初以能書徵中書舍人精篆隸為時所尚正統中為南京太常卿

列卿
紀

南雲篆法得陳思孝之傳隸真草俱有古則又善大

字

書史
會要

長陵碑正統初程南雲奉命書

英宗
實錄

程南雲書千字文

題跋已見

王一寧

王一寧號節齋仙居人永樂十六年進士授工部主

事改翰林修撰正統時入內閣草書深得懷素自叙

法

書史
會要

馬愉

馬愉字性和臨朐人宣德二年進士第一正統中以

禮部右侍郎兼學士直內閣贈禮部尚書

列卿紀

王世貞國朝名賢遺墨有馬愉書

弇州續藁

金湜

金湜字本清鄆人正統辛酉舉於鄉以習古書法授

中書舍人陞太僕寺丞篆隸行草綽有漢晉人風度

寧波

志

李東陽古墨林卷跋云卷首三篆字太僕丞金湜本

清書金善摹印篆亦不俗

懷麓堂集

林文

林文字恒簡莆田人宣德庚戌進士第三人授行在

翰林編修正統初與修宣廟實錄陞修撰英宗復位

拜學士終太常寺少卿

列卿紀

林學士文題張氏手澤記辭翰皆質勝

王世貞國朝名賢遺墨跋

張翰

張翰安丘人正統間由進士授廣東監察御史陞江

西左參議致仕

分省人物考

張翰草書法懷素清勁有骨 翰弟約亦善書

書史會要

徐觀

徐觀字尚賓華亭人少工翰墨正統辛酉舉於鄉游

國學才名益著交南朝鮮諸使者至購其書以為榮

授武選主事

松江志

沈訥

沈訥字文敏崑山人正統七年登進士第授大理評

事天順二年為福建按察副使善小楷得宋克筆意

鄭文康

平橋集

蔣良

蔣良字希玉全州人正統丁卯舉鄉貢選授河西知

縣改廣東都指揮使司副斷事讀書求大義為詩裁

取適意不事雕繪而教子務通博以古文草篆為法

病革時召冢子昇於外手書數十字與之

懷麓堂集

黃惟天

黃惟天字景高黃樞孫善於字學筆法純粹

嚮明齋集小傳

溫良

溫良字允仁晉江人正統十二年舉人能文章又工

於書朝士乞書者至滿屋壁片東隻字重於兼金終

中書舍人

清源文獻

周鼎

周鼎字伯器嘉善人博極經史為弟子師正統中大

征閩寇沐陽伯金忠參贊軍務辟置幕下授沐陽典

史年近九十修杭州志燈下書蠅頭字界書烏欄信

手與目不折紙為範毫髮不爽

嘉善縣志

伯器結法亦蕭灑

王世貞三吳楷法跋

鄭達

鄭達正統中為盤屋尹書虞文靖公十三詞有宋元

遺法

墨林快事

蘇鎔

蘇鎔字良璇別號守愚性敏好學善柳書法正統間

人從弟鉦字良聲工吟咏善楷書號竹坡

建寧人
物傳

龔錡

龔錡字台鼎建安人博學善詩字畫適勁官翰林編

修

閩書

余孜善

余孜善字慶之官給事中善行楷

書史
會要

鄒魯遺

鄒魯遺餘姚人善署書法張即之今西興渡莊亭古

蹟是其所書書家謂入能品

孫鑛紹興志

于謙

于謙字廷益錢塘人永樂十九年進士文如雲行水湧有奇氣詩清麗頃刻千言景泰時為兵部尚書加

少保贈太傅謚肅愍

吾學編

于忠肅書落花吟

見式古堂書畫彙考

王世貞國朝名賢遺墨有于肅愍公書

弇州續彙

俞山

俞山字積之號梅莊秀水人永樂癸卯中鄉試為崑山訓導正統中奏為伴讀擢鴻臚寺丞陞少卿尋拜吏部侍郎為文章根據經史詩歌清麗典則善大篆

呂文懿
公集

陳詢

陳詢字汝同華亭人永樂戊戌進士選庶吉士授編

修景泰五年為國子祭酒

列卿
紀

詢工於草書興至輒揮灑求者恒接踵焉

呂文懿
公集

楊翥

楊翥字仲舉景皇帝在邸時為宮僚以醇謹見重景泰初用舊臣為禮部侍郎奉身還吳宦橐清貧寓棲

故人家詣闕表賀受尚書以歸

楊循吉吳中往哲記

翥所愛書梅軒記辭翰皆頽然長者

王世貞國朝名賢遺墨跋

沐璘

沐璘字廷章襲指揮僉事景泰間為右軍都督同知鎮雲南天順初陞都督好讀書長於吟咏尤工篆籀

草書大字

季鳳雲
南通志

汝訥

汝訥字行敏吳江人景泰四年鄉試中式屢試禮部
不中素善書會修英宗實錄選入史館授中書舍人
擢兵部員外郎再遷郎中出知南安書法清勁得晉

人筆意

鮑翁家
藏集

汝君行敏其為書楷正有法表然出儕輩凡卿大夫
士所得誥勅皆願得君手筆故君書傳於世日多

懷麓

堂集

張寧

張寧字靖之別號方州海鹽人景泰五年進士授禮

科給事成化中出為汀洲知府

吾學編

張寧善書

書史會要

任道遜

任道遜字克誠瑞安人七歲能賦詩作字徑數尺有法有司以神童薦宣宗聞而奇之面試其書命為國

子生景泰初授順天府照磨仍以書藝供奉累遷至

太常寺卿自號坦然居士又號八道人

匏翁家藏集

曹泰

曹泰字時和號九峰華亭人景泰甲戌進士工行書

亦善章草

書史會要

羅麟

羅麟字仲祥性敏善書舉景泰四年鄉試累官廣東

參議

存徵錄

劉昌

劉昌字欽謨吳縣人正統乙丑進士景泰初授南京

虞衡主事終廣東參政為文典雅詩尤溫麗

吳中人物考

王世貞國朝名賢遺墨有劉昌書

弇州續藁

劉嘉綬

劉嘉綬字協中欽謨之子也年數歲據小几習書選

古詩儼如成人十五喪父盡讀其遺書年二十四而

卒

楊循吉松
籌堂集

嘉靖文筆如泉湧詩亦清遠與楊循吉頡頏一時尤

善書最得古法

吳縣志

聶大年

聶大年字壽卿臨川人景泰間用薦起為仁和訓導

博涉羣書篤意古文及唐人詩書法李北海其名傳

於遐邇

姜南蓉塘詩話

大年書法趙承旨能自運俊爽可愛

詹氏小辨

何觀

何觀晉江人景帝初為中書舍人謫九溪衛經歷轉知象山縣致仕歸善草書嫁女無以為奩與書一簾隱跡古玄山中不關俗務鄉人高焉

吾學編

羅琥

羅琥字彥武茶陵人以楷書選入中書授南陽府通判景泰時擢南京戶部郎中

懷麓堂集

李淳

李淳號憩菴茶陵人

李東陽父

精通楷書東陽書先府君

遺墨後云嘗衍永字八法變化三十二勢及結構八

十四例著論一道景泰間上之朝

懷麓堂集

林春

林春字孟陽代州人工古文詞且精書翰景泰庚午

領鄉薦授應天通判性酷好書每暇輒磨墨伸紙揮

汗呵凍不輟字體清勁適麗得者皆珍襲之

分省人物考

沈性

沈性字士彝一字克循號砥軒景泰時進士官至寧

國守詩章字畫皆有古意

書史
會要

翟政

翟政字以德安陽人景泰時進士仕至山西僉事罷

政歸日誦詩學書取古帖臨寫

書史
會要

林宗道

林宗道字仲學景泰間領鄉薦為文詞氣豪逸尤善

隸書晚年用筆益蒼勁

閩
書

徐有貞

徐有貞初名瑄字元玉號天全翁舉進士改庶吉士

授編修後迎太上皇於南城復辟進兵部尚書華蓋

殿大學士封武功伯於書少所不窺能詩歌善行草

得長沙素師米襄陽風

王世貞吳中
往哲像贊

徐元玉罔極詩帖行草書

式古堂書
畫彙考

武功真書法歐陽率更而加以飄動微失之弱

書史
會要

武功書法古雅雄健名重當時

書史
會要

天全翁詩卷

右前一紙為聯句詩僅失詩題耳後一紙為水龍吟慢句詞半已不全皆天全翁手筆故特存之人謂翁書由米顛來非也其適放波險全得長沙面目神彩風骨亦自琅琅惜結體少疎耳

弇州山人藁

天全翁二札

天全翁出入長沙襄陽間余嘗評其書如劍客醉舞傲傲中有俠氣此二紙皆真蹟而盤谷一章尤橫逸不可當豈所謂遇其合者耶

弇州山人藁

岳正

岳正字季方別號蒙泉溇縣人正統戊辰進士授編修英宗復辟直內閣憲宗時出知興化府為文高峻簡拔追古作者詩亦雅健脫俗字法精邃大書尤偉旁及雕繪鐫刻悉精其妙

懷麓堂集

彭時

彭時字純道安福人正統戊辰賜進士第一天順初為吏部尚書文淵閣大學士贈太師謚文憲

列卿紀

王世貞國朝名賢遺墨有彭時書

弇州續藁

葉盛

葉盛字與中崑山人正統乙丑進士授兵科給事中

進都給事中遷山西參政天順二年英宗驛召至京

擢僉都御史終吏部侍郎謚文莊

列卿紀

葉盛善行楷得蘇文忠筆意

書史會要

葉文莊手書

成化初鰲以童子游學京師時文莊公為禮侍陸參

政文量初第進士簡中所稱用光者張姓為太學生
亟稱鑿於文莊所間以所業見於禮部之廂房公獎
勵備至有將來忠肅之許蓋以鑿與王忠肅同嫌名
故云成化十一年鑿始登第則文莊已下世參政時
為兵部郎往來相好也弘治壬子歲余校文南畿參
政子伸名在選中未幾參政亦故今年為弘治十二
年伸來會試禮部出其父所得文莊手書一卷余覽
之慨念今昔為之泣然敬書其後歸之

震澤
集

劉鉉

劉鉉字宗器長洲人永樂中以善書徵入翰林筆法
溫媚推重一時久之鄉試授中書舍人景帝時為
國子祭酒英宗復辟擢少詹事贈禮部侍郎謚文恭
編 吾學

李紹

李紹字克述江西安福人宣德癸丑進士選庶吉士
天順中為禮部侍郎刻苦問學有異書及古碑文字

必購求之字畫出入晉唐間參以蘇長公剛勁奇逸

自成一家

列卿紀

李紹與人評書必先法度見有稍不合則者曰是無

師承不足觀也

分省人物考

黃諫

黃諫字廷臣蘭州人正統壬戌進士及第授編修天

順中為侍講學士博涉諸經予史百氏之書為文根

極理致尤工於詩兼善書工古隸篆

列卿紀

黃諫博學工書著從古正文五卷藝林宗之

梁維樞
王劍尊

聞

趙昂

趙昂字伯顥號竹溪常山人正統乙丑進士授中書

舍人英廟復辟超擢通政使左參議仕雖未達而姓

名甚著兒童隸卒皆稱為趙伯顥先生無異辭尤博

涉羣籍苦吟咏工書翰

懷麓
堂集

劉珏

劉珏字廷美號完齋長洲人舉應天鄉試補太學生授刑部主事遷山西按察僉事老而嗜學不衰為詩

清麗可詠書正行出趙吳興

王世貞吳中
性哲像贊

劉珏書效雲麾行草各極其妙

吳中人物志

劉廷美寄灤西詩并東行楷書

見式古堂
書畫彙考

官廉

官廉字汝清東萊平度人登天順甲申進士授工部

主事終戶部郎中楷行草書頗得二王法

劉翊古
直集

官廉最好晉人遺帖雖疾猶臨倣不懈

張昇文
僖公集

胡信

胡信字宗實丹徒人天順元年進士授戶部主事遷

知鶴慶軍民府為詩文溫潤典則書法得晉人體

王應

麟鎮江

府志

左贊

左贊字時翊盱之南城人學書於程南雲以詞翰名
於時天順丁丑登進士第擢吏部主事成化中為廣

東布政

何喬新椒丘文集

左贊善書法兼諸體而尤精於隸得二蔡筆意

書史會要

丘霽

丘霽字時雍鄱陽人天順丁丑進士歷官知蘇州府

能詩文工懷素草法負才子名

鄱陽志

丘時雍忠烈祠詩帖行書

見式古堂書畫彙考

沈鍾

沈鍾字仲律上元人天順庚辰登進士授驗封主事

終山東按察副使所至詩成輒大書適勁盈咫竟壁

無歌

魯鐸文
恪公集

張泰

張泰字亨父太倉人天順八年進士選庶吉士授簡

討遷修撰喜為詩雖不學書亦翩翩可喜

太倉志

馬愈

馬愈字抑之嘉定人天順甲申進士官止刑部主事

能詩善書縱佚不羈人號為馬清癡

嘉定志

王徽

王徽字尚文號辣齋南京人天順丁丑舉進士選庶吉士除南京刑科給事中弘治初拜陝西左參議文

章師韓歐詩倣王維劉長卿筆札遒勁鑒別古書畫

器物尤稱精博

儲壘柴墟集

尚文工小楷

金陵瑣事

徐朴

徐朴字德充號雲崖嘉定人天順中舉人善楷書行

草宗聖教序

書史
會要

盧儒

盧儒字為已號重齋崑山人博學能文善筆札文學

韓柳書法歐顏自負甚高誠亦時流罕及

水東
日記

伍福

伍福字天錫臨川人正統甲子領鄉薦授咸寧教諭

天順間薦為陝西按察僉事遷副使詩文典雅篆隸

真行草書流麗俊美

許大經撫
州府志

吳興弼

吳興弼字子傳號康齋崇仁人潛心理學善為詩天順元年用忠國公石亨薦特勅召見授左諭德固辭

不拜

崇仁志

康齋書迹奇怪自成一家

書畫史

姜立綱

姜立綱字廷憲瑞安人七歲以能書命為翰林院秀才天順中授中書舍人歷官太常少卿善楷書清勁

方正中書科寫制誥悉宗之

書史會要

立綱書體自成一家宮殿碑額多出其筆日本國門
高十三丈遣使求扁立綱為書之其國人每自夸曰
此中國惠我至寶也嘗臨湖舍作皆春二字適有操
舟過其前衝濤駭浪遂成風波行舟之勢法書行於

天下稱曰姜字

吾學編

立綱小變二沈為方整就其體中可謂工至而不免

俗累

書史會要

姜太僕書四子全文

故姜太僕立綱書此四子全文句讀各有圈甚精當
是先朝春宮進讀本也結法圓熟端勁妙不可言初
見絕以為沈度學士書徐覺其波磔處小露鋒鋞乃
敢定為姜筆噫嘻今兩制諸君不復能辨此矣

弇州
續藁

馬紹榮

馬紹榮字宗勉太倉人慕范仲淹之為人號景范登
天順壬午鄉舉成化元年試書中選授中書舍人至

太常寺少卿與永嘉姜立綱並以書名姜善子昂馬

善宋克為一時宗

蔡羽林
屋集

柳楷

柳楷字文範永嘉人與姜廷憲同直內閣詩文書畫

皆佳妙

圖繪寶
鑑續藁

蘇致中

蘇致中字雪瑕蜀郡人官至太守以墨妙流聲景順

間評者謂其出入鍾王懷素而自適天然之趣

書史
會要

蘇雨

蘇雨致中四代孫亦善書

書史會要

張翼

張翼字文翔太倉人慷慨尚氣節善書宗歐顏其書

龍門諫院題名記尤超偉天順間謫戍開平故其書

名嶺北

水東日記

章瑾

章瑾字公瑾號米芝華亭人宋莊敏公之後能詩善

草書學二王而硬健骨立自成一家

水東
日記

錢進

錢進字景升別號菊菴吳縣人攻書法始授學吳太常既乃精思摹索晉唐諸名帖嘗曰法者迹也巧者所以神妙也吾將心致其巧終不至泥古法迹故其書成一家而士大夫珍之天順間有薦之朝者不報

何景明
大復集

許廉

許廉字清夫眉州人三歲過州治憩城下仰見城扁
眉州二字因以手畫地宛然成書自是資性朗悟日
誦數百言試以詩皆立就稍長通詩書春秋旁涉百
氏尤工書法有司舉賢良不就徜徉山水間

懷麓堂集

杜瓊

杜瓊字用嘉家吳城之樂園里孝友退讓為鄉人表

率世稱東原先生又稱鹿冠道人

震澤集

杜瓊善書

書史會要

閻丘觀

閻丘觀字賓用長洲人少好學長益喜習書攻詩詩

平實有理致書得晉人筆意

抱翁家藏集

陸鑪

陸鑪字國馨號筠臺嘉定人書宗鍾王小楷遒勁沈

著八法俱備人爭愛重行草章草亦入矩度

書史會要

袁彬

袁彬江西人英宗北狩以校尉見上察其能書留之

累遷都指揮使

吾學編

趙榮

趙榮字孟仁閩縣人正統間以楷書生員授中書舍

人直文淵閣迎英宗還為工部左侍郎

吾學編

俞綱

俞綱上元人以生員善書由中書舍人天順中官南

禮部左侍郎

存徵續集

李窩

李窩字邦傑宣德壬子鄉貢成化初為山西右參政

嗜學工書為人所重

徐拭湖廣總志

徐明善

徐明善邵陽人工詩文善草書宣德中以明經舉本

學訓導楊文貞公薦知鈞州

湖廣通志

陳信

陳信字秋鴻嘉興人宣德間為句容教諭博學工草

書善吟咏陞南京武學教授

丁寶句容縣志

鄭觀

鄭觀字尚賢武進人博學善撰文工篆隸書宣德中

舉為安遠侯府訓導歷監察御史廣東按察僉事

孫偉

德毘
陵志

盧垕

盧垕能詩善書以子瀚貴贈兗州推官

李廷龍
維揚志

陳用原

陳用原字志道東莞人性敏嗜學工詩文長於書翰

廣東
通志

陳賴

陳賴江陰人以善楷書舉歷官按察僉事

江陰志

王錫

王錫字克剛長樂人仕歸善知縣工草書號醉樵

閩書

林彬

林彬長樂人宣德中貢士任和州以善書預修大典

閩書

林宗 林完

林宗字思孝號世梅弟完字思勉號林屋俱隱居事

學並善楷隸世稱二林先生

鄧韜常
熟志

林儒 林傳

林儒字應良傳字應祖俱宗子亦善篆隸

同上

趙敏

趙敏字子聰汝陽人能文章工書畫永樂庚子舉於鄉授兵部主事正統中擢吏部郎中從上北征陷於

陣

李本固
汝南志

金溥

金溥字本深湜之弟湜為中書時以書法薦仕至池

州守

寧波
志

張翔

張翔字元龍性清介不苟善楷書篆隸尤工詩文正

統初以材薦知歐寧仙居二縣終瀘州知州

周世昌
崑山志

張汝昌

張汝昌字仲光正統辛酉舉人為大名府同知能詩
書法倣宋克號求已生

太倉
州志

宋璫

宋璫字克純華亭人少游京師從婦翁俞宗大學楷
書正統乙丑舉進士拜御史數言事謫安福典史天
順初起知大庾調新淦未幾謝病歸治園蒔菊更號

菊存

松江
志

胡敷

胡敷字孟文江山人邃於經學為文近古尤善楷書

正統三年領鄉薦為國子助教

徐文溥江山縣志

陳勉

陳勉字進之無錫人正統七年貢入太學歷官工部

員外郎工大書

無錫志

張紳

張紳字仲書正統間登商輅榜進士授行人終山東

參政工書片紙隻字人視之為拱璧

丁賓句容縣志

張綽

張綽字時裕為山東恩縣教諭好學善書

丁賓句
容縣志

曾纘

曾纘字廷器邵陽人正統戊辰進士授戶部主事富

於詩文善楷書

陸東寶
慶府志

邢讓

邢讓字遜之善書得李北海體正統戊辰進士選庶

吉士授檢討終禮部右侍郎

范晟襄
陵縣志

陳助

陳助字賢佐精率更書法旁曉篆隸正統初以薦授

桐廬縣丞陞知臨江新淦縣改金谿

崑山人物傳

陳敏

陳敏字思懋正統中為彭澤教諭工真草書文辭敏

瞻時輩推重

閩書

岑俊

岑俊字子英慈谿人隱雲巖通經史百家工書學篆

隸尤入妙正統間舉經明行修以親老辭

寧波志

莊琛

莊琛字廷璽晉江人工四體書筆法遒勁正統時授

大理評事擢廣西按察僉事

閩書

韓定

韓定威縣人善書正統中入翰林授鴻臚寺序班累

官至太僕寺少卿

蔣彬廣平府志

王麟

王麟正統間山陽教諭詩文楷書妙絕一時擢四川

山東提學僉事

陳沂南
畿志

張昺

張昺字德遠永昌人善行草

黃中永
昌府志

易恒

易恒字可久長沙人正統中自滇徙居騰衝績學篤

行尤善書工詩文

黃中永
昌府志

陳贇

陳贛字惟成餘姚人以薦為訓導纂修宣宗實錄稱
有史才任翰林待詔累遷太常少卿書法得晉人筆

意

紹興府志

胡應東

胡應東龍溪人曲靖府經歷善詩文精篆隸真草書

閩書

朱紳

朱紳字孟端建水州人嗜詩文工書畫有竹坡集

臨安

府志

凌廣

凌廣字仲傑建水州人號煮雪道人能詩工篆書

臨安

府志

施達

施達字德孚號梅坡咸陽知縣博學善楷書

田槤全椒志

劉瑜

劉瑜字尚美號西崖工詩文善行草書

田槤全椒志

黃梅

黃梅字時濟號憨仙善行草書自成一家為海寧丞

全椒

志

徐叔礪

徐叔礪善詩能草書正統間薦於朝不起遂終身焉

興化

縣志

沈恪

沈恪字克敬會稽人為孝友善題署魏驥林鶚皆

重之今子孫猶世其楷法

孫鑛紹興志

劉泰

劉泰字世亨海鹽人能詩文工行草書景德中以庶

吉士授監察御史

海鹽圖經

張端

張端將樂人少負才名景泰間以薦授鑄印局使直

南薰殿善楷草書尤工篆隸丘瓊山嘗作考隸辨以

遺之

延平志

劉侃

劉侃字克剛景泰初領鄉薦選知荊州擢知延平府

謝病歸授徒自給號樂閒公工楷書詩文亦清麗

沈堯

章嘉興

府志

封錦

封錦字尚綱嘉定人景泰間歲貢官東平州同知善

篆隸亦能行草

楊旦嘉定志

錢煜

錢煜字允暉常熟人景泰間為浙江都司經歷能書

真隸大字善吟嘗闢南臯別業有山水花竹之勝日

與騷人觴咏自娛

常熟志

汪瀚

汪瀚字以淵善真草書領景泰癸酉鄉薦授福州通

判終處州同知

徽州志

朱煜

朱煜字寅仲建水州人能詩工書畫都督沐璘重禮

之

臨安府志

孔公恂

孔公恂字宗文穎敏絕人能詩善書天順丁丑進士

給事中禮科陞少詹事

吾學編孔氏世家

朱貞

朱貞字惟正天順元年進士知磁州進四川參議幼

工楷法晚變為行益妙

江寧府志

左明善

左明善字復初四川富順人天順丁丑進士為臨安

知府善書翰人得片紙隻字至今珍重

臨安府志

葉藻

葉藻字惟潔華亭人善行草天順中鄉舉官至太僕

寺丞

松江志



六藝之一錄卷三百六十四

欽定四庫全書

子部

六藝之一錄卷三百六十五

詳校官中書_{臣陸}相

貢外郎_臣牛稔文覆勘

總校官檢討_{臣何思鈞}

校對官中書_{臣陸}湘

謄錄監生_{臣朱上林}

欽定四庫全書

六藝之一錄卷三百六十五

錢唐倪濤撰

歷朝書譜

明

錢溥

錢溥字原溥華亭人正統四年進士試薔薇露詩大

見稱賞授檢討成化中為南京吏部尚書謚文通

列鄉

紀

溥小楷行草俱工

書史會要

原溥書蓋宋仲溫派也。硜硜負峭骨所乏者姿耳。王世

貞三吳
楷法跋

錢原溥書饒右丞論書帖行楷書。見式古堂
書畫彙攷

錢溥

錢溥字原溥溥之弟正統乙丑進士授南京刑部主

事終四川按察使工古文詞善楷書行草。松江
志

錢溥真行出自宋仲溫。書史
會要

國朝楷草推三宋首稱仲溫然未免爛熟之譏又氣

近俗但體媚悅人目爾二沈兩錢承之蓋就纖濃遂

成雲間字習

詹氏
小辨

商輅

商輅字弘載淳安人宣德乙卯發解乙丑會試廷試
復舉第一為翰林修撰成化中歷少保兼吏部尚書

謹身殿大學士贈太傅諡文毅

列
紀

王世貞國朝名賢遺墨有商輅書

奔州
續索

劉珏

劉珣字叔溫號古直壽光人正統戊辰進士改庶吉士授編修成化中為戶部尚書謹身殿大學士贈太

保謚文和

列卿紀

公書法飄逸行草尤長

徐溥謚齋集

韓雍

韓雍字永熙吳人正統七年進士成化中為右都御史總督兩廣軍務謚襄毅搞詞灑翰風生泉湧天才

逸發

列卿紀

夏時正

夏時正字季爵仁和人正統七年進士成化初為南京大理卿博學高才工詩文書寫最善多著述尤詳

禮文之事

吾學編

陳鑑

陳鑑字緝熙長洲人正統戊辰進士成化中為國子祭酒平居無聲色之好好止藏書并古書畫器物而已為文才瞻而氣完善筆札臨摹古人真蹟殆不可

辨

乾翁家藏集

鑑日臨褚摹禊帖故似之而原本過佻不若魯男子

之善學耳

弇州續稿

鑑作大字勁健奇古當代珍之

書史會要

林鶚

林鶚字一鶚太平人景泰二年進士成化中為刑部

侍郎贈尚書諡恭肅東禮植義造次必恭慎公餘輒

危坐閱書臨古帖作楷書

吾學編

余子俊

余子俊字士英青神人景泰二年進士成化中為兵

部尚書贈太保謚肅敏

吾學編

王世貞國朝名賢遺墨有余子俊書

奔州續索

倪謙

倪謙字克讓上元人成化中為南京禮部尚書贈太

子少保謚文僖

列卿紀

倪文僖公與僧求竹帖却無意而有筆

王世貞三吳墨妙跋

沐琮

沐琮字廷芳號益菴又號東山居士成化乙酉嗣爵鎮雲南善草書歌詩樂府瑰麗可觀贈太師諡武僖

開國
臣傳

江玘

江玘字用良仁和人景泰辛未進士授禮科給事中

成化時出為山東參議遷參政

分省人
物考

浙江布政

司重建貢院記江玘書

陳獻章

陳獻章字公輔新會人居白沙村人稱之曰白沙先生正統丁卯中鄉試兩赴禮闈不第從吳聘君講伊洛之學憲宗時授翰林檢討能作古人數家字山居筆或不給束茅代之晚年專用遂自成一家時呼為茅筆字得其片紙藏以為家寶交南人購之每一幅易絹數疋

張翊白沙先生行狀

陳徵士獻章作詩脫略凡近其書法得之於心隨筆

點畫自成一家

游潛夢
蕉詩話

陳白沙書雜詩帖草書

見式

古堂書
畫彙攷

羅倫

羅倫字彛正永豐人成化二年進士第一為翰林修

撰謫副提舉福建市舶復官改南京尋辭疾歸閉門

授徒日以注經為業

吾學
編

倫善行楷法文信國筆力清雅結構端嚴評者謂為

翰墨中珊瑚玉樹

書史
會要

莊杲

莊杲字孔暘號木齋又號定山居士江浦人成化丙戌進士授檢討上疏忤旨調湖廣桂陽判未行改南京行人司副陞吏部郎中白沙先生曰定山草書迴

然自成一家

湛若水
甘泉集

杲為詩握唐人機軸變幻百出往往近踵風雅其字

畫亦然

嚴從簡使
職文獻

定山深解書法或問張汝弼草書曰好到極處俗到

極處問如何則可曰寫到好處變到拙處曰何居曰

所謂行墨因調性者是也

書史會要

張弼

張弼字汝弼晚號東海翁成化丙戌進士授兵部主事進員外郎出守南安為文自立一家言詩多警句往往為人傳誦其草書尤多自得酒酣興發頃刻數十紙疾如風雨矯如龍蛇歌如墮石瘦如枯藤狂書醉墨流落人間雖海外之國皆購其蹟世以為顛張

復出也

震澤集

張東海草書名一世詩亦清健有風致嘗自評其書

不如詩詩不如文予戲之曰英雄欺人每如此不足

信也

李西涯詩話

東海張先生守南安時各郡收兵議賞武夫悍卒乃

惟願得侯墨妙而過客亦往往以是罷誅求焉歲以

筆劄佐郡費類此

張鼎先進舊聞

東海在當時以氣節重其書學懷素名動四夷自是

吳中書家輩出聲價少減然行狎書尤佳今見者少

耳

容臺集

張汝弼裁杏詩簡

見式古堂書畫彙考

張汝弼草書卷

張汝弼嘗自評其草書以為大者勝小者予謂英雄

欺人每如此不足信也及觀韓黃門此卷則其大字

果勝賢者固不可測耶

懷麓堂集

曩子問東海索書輒謝曰待偶然有得意者當舉以

為贈不敢取應酬者塞命也然竟不獲其所謂得意者恒以真憾乃若倡和詩篇往返書札則所得甚富每一展玩疑所謂得意者或在其中雖東海亦或不能自知耶時行黃門持此冊見過摩挲再三恍然如見其笑語而東海之不作久矣噫時行尚謹護之安知不有好事者以為得意之筆伺其傍而拔其尤者

以去耶

程篁墩集

東海先生以草聖蓋一世喜作擘窠大軸素狂旭醉

震盪人心目而此卷矮紙踈行尤擅清麗況詩律散
語俱有關繫處不但其子孫當寶之也後有吳文定
公為陳冷菴跋識蓋冷菴所得今為先生之孫數善
所收祖武手澤不但尋常所當寶之書畫也冷菴名
琦字粹之罷察官歸至口食不給予少時猶及識焉
清癯鶴立望而可敬又聞文定公起歲貢先生獨識
之曰歲貢中亦有此人耶遂以狀元及第卒為名臣
五六十年前先生風範如此最後東橋顧華玉衡山

文徵仲文翰有法皆吳產也語云魯無君子斯焉取
斯深於是為之歛衽敷善其尚寶之敷善名其性後
樂先生之長子涵養粹深慨然有求道之志又不但
以詞翰世其家而已

陸儼
山集

張東海草襍書

東海張公守南安時雜書數紙郡掾劉暹得之成卷
公之子時行黃門持以示予中有公與予詩一首蓋
公寫而未發者予欲取之因感楚弓得失之語書其

後而還之

乾翁家藏集

張汝弼草書

右詩七首故南安守張公汝弼書以遺濮武庫者張公草書師宋昌裔昌裔者名廣洪武初與宋克仲溫宋璉仲珩俱以書擅名人稱三宋然評者謂昌裔書較之二宋不逮以其筆聯續不斷非古法也

寓意編

張弘宜

張弘宜字時措號後樂南安守東海公之仲子成化

辛丑進士官至廣西按察副使詞翰得東海遺法尤

長於署書居然朱晦翁體

何三畏雲
間志略

張駿

張駿字天駿號南山華亭人工書法行草隸篆入妙

入神與東海齊名時號二張景泰癸酉舉於鄉成化

初為中書舍人直文華殿後以禮部尚書致仕

雲間
志略

天駿用南安體更變輕弱

書史
會要

駿草書宗懷素得其龍蛇戰鬪之勢論者病其傷於

雕琢故居張東海之下

書史會要

蕭顯

蕭顯字文明號履菴更號海釣永平山海衛人成化戊辰進士擢兵科給事中終福建按察僉事為詩清簡有思致書尤沉著頃挫自成一家卷軸徧天下傳

至外國

分省人物考

蕭顯與張南安同時以狂草稱

書史會要

王獻

王獻字惟臣號退菴仁和人景泰辛未進士成化中
為太常寺卿兼學士作文有奇氣作字飄逸類其為

人

列鄉
紀

林章

林章字以成錢唐人以大書薦於朝景泰初授中書

舍人成化中為太常寺少卿書法道勁尤精鑒賞

懷
麓

堂集

姚黼

姚黼字廷章號松雲

父姚綬

博涉書史工草書尤善五

七言詩築室數楹中列古彝鼎器金石遺文法書名

畫優游自樂人皆以可閒先生稱之

錢溥松雲姚處士誌銘

姚綬

姚綬字公垂嘉興人天順中英宗賜為進士以監察

御史事憲宗尋出知永寧解官歸所居在大雲里東

饒水竹作室曰丹邱嘯咏其中人稱丹邱先生又作

滄江虹月之舟遊泛吳越間甚適善書法鍾王勁婉

咸妙畫初學水墨後遂進學唐品得古意

楊循古松
籌堂集

姚綬書類張伯雨

書史
會要

姚侍御書溪東篇行書

公綬贈金良德詩

姚穀

菴贈菊坡高士詩帖

雲東逸史雜詩卷

姚丹邱

咏物詩冊

姚雲東書李商隱詩二卷小行楷書

見式

古堂書

畫景攷

姚旬

姚旬字用宣號可竹晚號觀頤

綬子

詩宗杜字學沈氏

則憲宗時以善書薦直仁壽殿授鴻臚寺序班

錢鶴灘集

蔣文藻

蔣文藻與姚丹邱同隱大雲執師資之禮書畫步趨

丹邱

六研齋筆記

桑琳

桑琳字廷貴

桑悅之父

常熟人好學工詩善書法性恬淡

喜黃老術

錢肅樂太倉志

桑悅

桑悅字民懌號思玄別號鶴溪道人領成化乙酉鄉薦三試得乙榜除泰和訓導遷長沙通判調柳州書法趙子昂其俊秀實祖二王圓勁方正又得北海遺

法

思玄集
小傳

悅行楷宗晉人草書流暢法懷素

常熟文獻志

桑民懌書

桑民懌才名噪一時幾有雕龍繡虎之稱此卷為盛秋官書者尤多生平得意語其書似不勝文文似不

勝詩大要不能去俗耳盛舉高第後至廣憲以廉名

弇州山

人素

朱應祥

朱應祥字岐鳳號鳳山松江人與桑民懌並以文名
成化丁酉以歲貢薦南畿書兼數家道勁有法度尤

長於題壁

松江志

應祥博學工詩善於行草

書史會要

陳旦

陳旦字武臣太倉衛學生號易齋更號甘隱桑悅負才尚氣不輕與人接見惟與旦交甚密旦亦愛桑書

法摹寫之多逼真

陳如綸冰玉堂綴逸素

李承箕

李承箕字世卿人稱大厓先生嘉魚人成化中領鄉舉不肯會試往見白沙久之歸日端坐一室客至相與劇談賦詩醉起書之劄草濡墨斜斜整整無不如

意

震澤集

陳鋼

陳鋼字堅遠號遲宜子鄞人徙南京舉成化乙酉鄉試授黔陽知縣擢長沙通判書法褚河南所摹蘭亭

奕奕有致

江寧志

薛穰

薛穰字有年鄞人成化壬午舉應天鄉薦授涿州知

州改灤州博學能詩宗唐人書法學鍾王

寧波志

楊茂元

楊茂元字志仁鄞人成化五年進士授刑部主事正
德中為刑部右侍郎工篆隸草書字畫遒勁匪特臨
池之功抑亦正毅之氣隨寓而見也

分省人物考

林俊

林俊字待用莆田人成化十四年進士授刑部主事
遷署員外郎僧繼曉以祕術幸於上發內帑數十萬
為建永昌寺西華門太監梁芳主之臺諫莫敢言俊
上書直聲大震都下傳草有繪圖而鬻者世宗時為

刑部尚書贈少保諡貞肅

書畫
眼

俊書宗蘇米頗得筆勢

書史
會要

翟瑛

翟瑛字廷光江寧人成化丙戌進士歷官太常卿作

字運筆如飛結體流麗可愛

金陵
瑣事

奚具

奚具字時亨別號干東子華亭人登成化己丑進士
官至刑部郎中性嗜書手未嘗釋卷口未嘗絕吟興

至則臨漢晉法書書輒盈几

雲間志略

邵珪

邵珪字文敬宜興人成化己丑進士官至嚴州太守

善書工篆詩有新意有半江帆影落尊前之句人稱

為邵半江

宜興縣志

珪善草書小楷得晉唐人筆意

常州志

曹時中

曹時中初名節以字行號定菴又號晚宜居士華亭

人登成化己丑進士官至浙江按察副使喜為懷素

草書竟日不倦

雲間志略

時中以詩名尤工書晉唐名家皆能以意會懷素宋

克則愛而摹倣者晚年益精小楷嘗曰自少至老已

覺世味淺薄惟學書一事可以消日

書史會要

黃謙

黃謙字撫之號紫芝江寧人成化壬辰進士授工部

主事工詩善書法碧峯寺額其筆也

存微錄

黃謙行草遒勁古雅榜書更妙

金陵瑣事

楊榮

楊榮字時秀餘姚人成化壬辰進士為戶部主事長

於詩書學懷素

分省人物考

沈瀚

沈瀚字東之號敬齋歸德人成化甲辰舉進士授西
安府推官正德中為建寧知府工正書好為詩長於

歌行

李廷機
文節集

李經

李經字士常號力齋臨淮人成化戊戌進士入翰林

為庶吉士拜河南道御史善楷書

懷麓堂集

趙寬

趙寬字栗夫世居吳江之雪灘因號半江成化辛丑

會試第一人仕終廣西按察使為文雄渾秀整行草

亦清潤

半江集
小傳

尹蓋

尹蓋字廷臣成化中以進士拜監察御史謫判澧州擢知鄖陽府博學工詩尤工書人以為得晦翁筆法

震澤集

李漢

李漢字充昭號方塘南昌豐城人成化進士官至工

科都給事中平生喜追晦菴書法久乃逼真

羅紀圭峯集

陳謙

陳謙字士謙姑蘓人居京師能楷行書專效趙松雪

華媚可人時染古紙偽作趙書猝莫能辨購書者踵

接戶外

懷麓堂集

張翔

張翔字騰遠澤州人工書善記誦入州學為弟子員

以例貢禮部授朝邑訓導

懷麓堂集

胡鍾

胡鍾字應律號澹菴撫州豐城人好學工書法以山

水琴書自娛封監察御史

魯鐸文恪公集

朱夏

朱夏字

闕

南號勉齋吳人元儒學提舉德潤之曾孫

以授徒為業為詩文語皆平淡如其人尤精於詩甚

得指法

鮑翁家
藏集

蔡桂芳

蔡桂芳字德馨崑山人居京師攻書翰所摹東坡三

刻用意精到與真蹟不差毫髮

鮑翁家
藏集

郁瓊

郁瓊字文佩號松坡上海人文體好為連珠書如趙
文敏而道勁有加焉

魯文恪
公集

李元壽

李元壽號鹿野翁崑山人少工書嘗書諸經四書小
本指法精善三原王端毅公巡撫江南見而愛之呼
為李生使侍舟中為人淳篤而善書以是為搢紳所

重碑石多其所書

歸震
川集

王瑛

王瑛美容儀工書畫字廷輝

王崇慶
端溪集

陳文

陳文字汝明號謹齋性嗜學為文出人意表書法晉

人小楷亦自拔俗

端溪
集

陳煒

陳煒字文曜號恥菴閩縣人成化時官浙江左轄志

高行潔妙翰墨善吟咏片言隻字為人寶惜

書史
會要

張錫

張錫成化時貢士善草書嘗云觀二王法帖極信子敬不及逸少蓋逸少聖而神者變化無所不至獻之雖云至妙其大而未化者耶

書史會要

葉綬

葉綬字叔章上虞人中江西鄉試仕應州學正學問

該博尤善古篆

書史會要

王暘

王暘字時暉慈溪人鄉舉在高選五試禮部不售居

國學餘十稔漁獵百氏作古文近體詩詞及晉人書

日益工將擢中書舍人遽以疾不起無不痛惜之

呂文

懿公集

馬璪

馬璪字公信成化二十年進士官郎中書法趙孟頫

金陵瑣事

顧謙

顧謙成化時貢士以楷書薦舉官主事

金陵瑣事

蔣主孝

蔣主孝字宗倫工小楷

金陵
瑣事

陳欽

陳欽字亮之號自菴成化二十三年進士官廣東提

學副使

江寧
府志

自菴工書人寶愛之

名臣
傳

陳大章

陳大章字明之號月隴盱眙人官至太僕少卿有詩

名尤工行草

圖繪寶
鑑續纂

洪鍾

洪鍾四歲能作大字憲宗召見命書聖壽無疆鍾握筆久之不動上曰汝容有不識者乎鍾叩頭曰臣非不識第此字不敢於地上書耳上命內侍昇几一揮

而就

皇明世說新語

江西通志曰鍾字季和崇仁人年十

八登弘治庚戌進士除中書舍人陞禮部員外郎

崇仁洪鍾四歲隨父入京至臨清見牌坊大字題額索筆書之遂得字體至京師設肆鬻字憲宗聞之召

見治世
餘聞

沈應奇

沈應奇字天瑞七歲能大字以神童薦憲宗召試命書皇帝字應奇俯伏奏曰書皇帝字乞賜一几上奇之字復稱旨命授中書舍人時內閣萬安奏當令讀書不宜使有官遂改送順天府學中正德己卯鄉試

與修武宗實錄成復授中書舍人

張時徹
寧波志

吳東升

吳東升成化間為百戶善楷書劉士亨寄之詩云墨
花香滿研池頭盡說能書老戶侯顧免分毫犀授管

冷金箋上字雙鉤

西湖遊覽志餘

杭城十門皆東升書額淨慈寺壁書南屏二大字結

構尤佳

杭州志

陳焯

陳焯字文厚閩人成化辛卯鄉貢性豪宕踈曠工詩
善行草書達宦貴人求不能得至具酒脯屬田父野

叟反得之自號棲雲叟

閩書

文鑑

文鑑字汝同崑山人小楷學夏仲昭

書史會要

洪昌

洪昌字汝言晉江人爲常州府學訓導經學純正議

論古雅長詩文善草書

閩書

李厚

李厚字文山雲南昆明人爲三吳驛丞善楷書

祁陽縣志

黃暹

黃暹字孟東莆田人為祁陽縣儒學訓導善書畫能

吟咏

祁陽志

涂端

涂端字邦祥番禺人成化丁未進士授編修陞修撰

以文學著聲性豪宕不羈尤善書法

廣東通志

吳佐

吳佐成化乙酉舉人授岳州通判工書法善吟咏

平湖

志

卷三 六十五

華清

華清字廉夫應城人成化八年進士為蘇州府推官

工書畫善吟咏

馬翁德
安府志

史琳

史琳字天瑞餘姚人成化丙戌進士官至右都御史

贈太子少保善書

分省人
物考

陶成

陶成字懋學成化辛卯舉人工詩書篆隸號雲湖散

人寶應
志

張西銘

張西銘字希載寧州人工詩文字頗類晉而加清勁

成化己未進官至河南道御史

張繹臨
安府志

陸淵之

陸淵之字克深上虞人成化中進士授禮部主事出

知叙州府後參政河南進右布政使篤行好學詩文

古意書善行草

孫鎮紹興志

李旻

李旻字同仁益都人善行草書成化中領鄉薦授同

州守改潞州

分省人物考

施槃

施槃字彥器號新齋成化甲辰進士官至山東按察

副使工草書人共珍之

素應祺黃岩縣志

趙子禧

趙子禧字慶夫鶴慶府人成化十四年由舉人為建

水州儒學訓導有文學習草字草字清勁可愛

張繹臨安

府志

徐博

徐博嘉定人

字德宏號竹居徐忤弟

嘉定人成化中以監察御

史出知巴東縣卓有聲譽工書法

湖廣總志

周庚

周庚字原已初名京吳縣人家世業醫而庚善讀書

工古文詞善行楷成化中以名醫徵歷官太醫院院

判

蘇州志

陸鑾

陸鑾字克和七歲能詩歌成化間以善書徵授鴻臚

序班

平湖志

倪祚

倪祚攻詩善真行書

秦梁無錫志

莫懋

莫懋字雲樓無錫人好為張旭狂草

秦梁無錫志

王佑

王佑字彥貞雅尚文學所交皆一時才俊尤善草隸

吟咏別號玄谷道人

楊德政建陽志

張乾

張乾字惟健太倉人能作大字州初立時諸題額俱

出其手以薦入仁智殿

太倉州志

史循

史循咸陽人成化十八年輸粟濟邊拜散官善書翰

通子史大略教鄉社子弟二百餘

吉人咸陽縣志

劉蒼

劉蒼字伯春鷹揚衛千戶九歲嗣官十五入武學篤

志刻勵通書史又能書

江寧府志

沈本初

沈本初字大中詩有韋孟風小楷絕類顏平原時稱

三絕

崑山人物傳

張晟

張晟字德齊嗜學好古能大書官千戶

江寧府志

石璞

石璞字元素崑山人性脩然不樂仕進書法蔡君謨

有肖神處

崑山人物傳

周禔

周禔字維敬為府掾補樂平簿改興國尋告歸登臨

眺咏好著述工草書

松江志

方烱

方烱字用晦莆田人學醫於蜀人虞仲文能詩工書

自號杏翁

八閩通志

孫適

孫適號東巖老人錢塘人隱居甘泉里有詩名善行

草

杭州志

陶玻

陶玻字仕珩縉雲人七歲能賦詩善楷書後厭科舉

究心聖賢著仁家訓諸錄窪尊見鳴諸藁

何鏜括
蒼藁記

梁淮

梁淮字伯海泰寧人工詩文善真草篆隸書教授鄉

里號雲麓樵者

廖富泰
寧縣志

沙洪

沙洪字文遠臨高人從吳琦學豁達坦夷善書大筆

尤道勁

唐胄瓊
臺志

沙廷梧

沙廷梧洪子官汀衛經歷作楷有父風規

唐胄瓊臺志

鄺海

鄺海右所人書名獨步一時稱八品畫得掀押鈎格

抵之法點畫生動不苟

唐胄瓊臺志

傅佐

傅佐字東忠右所人善書小楷尤峻密成化間任鴻

臚寺序班陞中書舍人後以武功為廣東後衛百戶

唐胄瓊臺志

吳震

吳震瓊山人善真草篆隸書為左衛經歷

唐胄瓊臺志

柳濟

柳濟字孟淵別號耕叟德化人善楷書

李汎九江府志

吳鑒

吳鑒字宗道為醫學訓科莊定山勸令讀書遂從講

學能詩善草書

沈孟化江浦縣志

張順

張順字弘裕錢塘人成化中為定州學正草楷篆隸

靡不精佳

韓上桂定
州志略

余孟拳

余孟拳無錫人善小楷仕保定新城訓導

秦夔無
錫志

六藝之一錄卷三百六十五